

**Talamdan sa
Mga Mensahe alang sa Full-time Training
sa Fall Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN
SA MGA SULAT NI PABLO—UNANG CORINTO**

Mensahe 13

**Ang Pagpadayag sa Espiritu—
ang Diosnong Trinidad diha sa Diosnong Mga Pagbuhat,
Mga Pagpangalagad, ug Mga Gasa**

Basahong Kasulatan: 1 Cor. 12:1-12; 6:17

- I. Ang pagpadayag sa Espiritu mao ang mga pagpaambit sa mga gasa, mga pagpangalagad, ug mga pagbuhat—1 Cor. 12:1-6:**
- A. Ang capitulo 12 labi gyong naghisgot sa Diosnong Trinidad diha sa diosnong mga pagbuhat, mga pagpangalagad, ug mga gasa; kining tulo mao ang Trinidad sa pagpadayag Niya, dili ang Trinidad sa pagkaanaa Niya.
 - B. Niingon ang versiculo 4, “Dunay mga kalainan ang mga gasa, apan mao ra nga Espiritu”:
 - 1. Ang mga gasa sa 12:4 nagpasabot sa dayag nga mga gasa, sa mga kahimoan o mga pagpahom alang sa pag-alagad.
 - 2. Milagroso ang uban niini, ug inugmad ang uban gikan sa panugdang mga gasa nga gihisgotan sa 1:7.
 - C. Niingon ang 1 Corinto 12:5, “Dunay mga kalainan ang mga pagpangalagad, apan mao ra nga Ginoo”:
 - 1. Ang mga pagpangalagad dinhi mao ang mga pag-alagad.
 - 2. Alang ang mga gasa sa versiculo 4 ning mga pagpangalagara, nga niini nadayag ang mga pagbuhat sa versiculo 6.
 - D. Niingon ang versiculo 6, “Dunay mga kalainan ang mga pagbuhat, apan mao ra nga Dios, nga nagpalihok sa tanang butang diha sa tanan”:
 - 1. Ang *mga pagbuhat* dinhi sa linetra mao ang “mga epekto sa mga pagbuhat” ug nagpasabot sa resulta sa pagpalagsik sa diosnong gahom sa mga gasa sa ilang mga kalihokan.
 - 2. Kining resulta mao ang pagbuhat (Efe. 4:16) nga gipadayag sa mga gasa.
 - E. Gihisgotan ni Pablo ang Trinidad sa 1 Corinto 12:4-6:
 - 1. Gihisgotan niya ang Espiritu 1 Corinto 12:4, ang Ginoo sa versiculo 5, ug ang Amahan sa versiculo 6.
 - 2. Pinaagi sa Espiritu ang mga gasa; gipasiugdahan sa Ginoo ug alang sa Ginoo ang mga pagpangalagad, ang mga pag-alagad; ug iya sa Dios ang mga pagbuhat.
 - F. Alang sa mga pagpangalagad ang mga gasa, ug alang sa mga pagbuhat ang mga pagpangalagad:
 - 1. Nagtuman sa mga pagpangalagad ang paggamit sa mga gasa, ug naghuman sa mga pagbuhat ang mga pagpangalagad.
 - 2. Kining mga pagbuhat alang man sa pagpalakaw sa administrasyon sa Dios, nga alang sa pagtuman sa Iyang walay kataposang tuyo—Efe. 3:9-11.

II. Gihatagan ang matag usa sa pagpadayag sa Espiritu alang sa makaayo—1 Cor. 12:7:

- A. Ang *alang sa makaayo* nagpasabot og alang sa pagtubo sa kinabuhi sa mga bahin sa Lawas ni Cristo ug alang sa pagtukod sa Lawas ni Cristo.
- B. Ang pulong sa kaalam mao ang pulong kalabot ni Cristo isip laglom nga mga butang sa Dios, nga gitudlong daan sa Dios nga mahimong pahat nato—v. 8; 1:24, 30; 2:6-10.
- C. Ang pulong sa kahibalo mao ang pulong nga nagpaambit og kasagarang kahibalo sa mga butang kalabot sa Dios ug sa Ginoo—8:1-7.
- D. Labi gyong gikan sa atong espiritu pinaagi sa pinadayag ang pulong sa kaalam; labi gyong gikan sa atong pagpanabot tungod sa pagtudlo ang pulong sa kahibalo.
- E. Matod pa sa 1 Corinto, pulong kalabot ni Cristo ang pulong sa kaalam.
- F. Kon buot tang mamulong og Cristo, nagkinahanglan ta sa pulong sa kaalam.
- G. Gihisgotan ni Pablo sa 12:10 ang pagpropesiya; pagpamulong kini alang sa Dios ug pagpamulong og Dios.

III. Ang ma-usa ka espiritu sa Ginoo pagkaanaa may kinalabwang pagkaespirituhanon—6:17:

- A. Ang pulong *nausa* sa 1 Corinto 6:17 nagpasabot sa organicong pagkausa sa mga magtutuo sa Ginoo tungod sa pagtuo nila Kaniya—Juan 3:15-16; 15:4-5.
- B. Ang pamulong *usa ka espiritu* nagpakita sa pagkasagol sa Ginoo nga Espiritu sa atong espiritu:
 - 1. Ang espiritu, nga panagsagol sa atong espiritu ug sa Espiritu sa Ginoo aron mahimong usa ka espiritu, mao ang Espiritu sa Ginoo ug ang atong espiritu—1 Cor. 6:17; 2 Cor. 3:17.
 - 2. Tanang espirituhaong kasinatian nato, sama sa pakig-ambitay nato sa Ginoo, pag-ampo nato Kaniya, ug pagkinabuhi nato uban Niya, naa ning nasagol nga espiritu.
- C. Ang pagkausa sa Dios ug tawo pagkausa man sa duha ka espiritu, sa Espiritu sa Dios ug sa espiritu sa tawo (1 Cor. 2:11-14); ang pagkausa ning duha ka espiritu mao ang kinalawmang misteryo sa Biblia.
- D. Ang sentro sa pamatigayon sa Dios mao ang nasagol nga espiritu, ang diosnong Espiritu nga nasagol sa espiritu sa tawo; bisan unsang gitinguhang buhaton o humanon sa Dios may kalabotan gyod ning sentroha—Efe. 3:5, 9; 1:17; 2:22; 4:23; 5:18; 6:18.
- E. Sa pagka-usa ka espiritu nato sa Ginoo, makasinati ta Niya nga malangkobon-sa-tanan—1 Cor. 1:2, 24, 30; 2:8, 10; 3:11; 5:7-8; 10:3-4; 11:3; 12:12; 15:20, 45, 47:
 - 1. Makapahimulos ta ni Cristo sa pagkausa nato Kaniya isip usa ka espiritu.
 - 2. Makasinati ta ni Cristo ug makadawat Niya isip tanan kay nahimo na man tang usa ka espiritu Kaniya.
 - 3. Ma-usa ka espiritu ngani ta sa Ginoo, mapahimuslan nato ang pakig-ambitay sa Anak sa Dios, ni Jesucristo nga atong Ginoo—1:9.
 - 4. Alang sa tanan nga na-usa ka espiritu sa Ginoo, dili mahurot ang sangkap.
- F. Ang nasagol nga espiritu mao ang espiritu nga na-usa ka espiritu sa Dios ug sama sa Dios sa Iyang kinabuhi ug kinaiya apan dili sa ranggo sa Iyang pagka-Dios—1 Juan 5:11; 2 Ped. 1:4:
 - 1. Nasagol nga usa ang diosnong Espiritu ug ang espiritu sa tawo sa sulod nato aron maka-kinabuhi ta sa kinabuhi sa Dios-tawo, sa kinabuhi nga Dios apan tawo ug tawo apan Dios—Gal. 2:20; Fil. 1:19-21a.
 - 2. Ang Dios-tawong pagkinabuhi mao ang pagkinabuhi sa duha ka espiritu, sa Espiritu sa Dios ug sa espiritu sa tawo nga nausa ug nasagol nga usa.